



Sumber: Berita Harian

Khidmat guaman syarie bantu wanita tuntutan hak perceraian

➔ Suri rumah dibantu sediakan dokumen perlu dengan kadar bayaran paling minimum

Oleh Norhafzan Jaafar
hafzan@bh.com.my

► Kuala Lumpur

Kos guaman antara perkara membelenggu wanita ketika berhadapan dengan masalah berkaitan institusi kekeluargaan, selain kurang pengetahuan mengenai hak sehingga membantutkan tuntutan kes ke Mahkamah Syariah.

Akibatnya ada yang terus terumbang-ambing apabila ditinggalkan suami atau digantung tak bertali kerana kebanyakan mereka tidak tahu ke mana harus dirujuk.

Menyedari masalah itu, Perunding Psikologi Keluarga dan Guaman Syarie, Suzana Ghazali mengambil inisiatif membantu wanita dilanda masalah rumah tangga dengan memberi bimbingan mereka mengendalikan sendiri kes tuntutan ke Mahkamah Syariah tanpa bergantung pada peguam.

Suzana berkata, dengan ka-

dar bayaran yang cukup minimum, mereka yang memerlukan bimbingan akan mendapat khidmat berterusan tanpa batasan.

Ini penting sebagai persediaan dan melengkapkan diri untuk tuntutan ke mahkamah.

Bantu wanita tak mampu bayar khidmat guaman

"Khidmat ini disifatkan sebagai alternatif wanita terutama suri rumah dan ibu tunggal yang tidak mampu membayar khidmat guaman.

"Kebanyakan wanita yang berhadapan dengan kes tuntutan di Mahkamah Syariah tidak ada pengetahuan berkaitan prosedur diperlukan untuk membuat tuntutan," katanya kepada BH mengenai hak wanita dalam membuat tuntutan pertikaian perkahwinan.

Suzana berkata, menerusi khidmat runding cara guaman syarie yang dikendalikannya, pihaknya akan membantu wanita bermasalah bermula pada pe-



Kebanyakan wanita yang berhadapan dengan kes tuntutan di Mahkamah Syariah tidak ada pengetahuan berkaitan prosedur diperlukan untuk membuat tuntutan"

Suzana Ghazali,
Perunding Psikologi Keluarga dan Guaman Syarie

ringkat awal sehingga selesai kes di mahkamah.

"Ini termasuk persediaan awal menyediakan dokumen berkaitan diperlukan untuk membawa kes tuntutan ke mahkamah.

"Mereka bukan saja mendapat penjelasan yang sempurna malah akan lebih berkeyakinan dalam berhadapan dengan kes sama ada membabitkan tuntutan perceraian, nafkah, hak penjagaan anak sehingga tuntutan harta sepencarian," katanya.

Kos khidmat itu di antara RM80 hingga RM190 dengan hanya sekali bayaran.

Katanya, khidmat yang mula diperkenalkan pada 2008 itu memberi pilihan kepada pengguna sama ada dikendalikan secara bersemuka, perbincangan di telefon atau menerusi e-mel.

Sejak diperkenalkan khidmat itu membantu ramai wanita terutama suri rumah dan ibu tunggal mendapatkan maklumat dan penjelasan sempurna mengenai tuntutan mereka ke mahkamah.